

民國史料叢刊

726

張研 孫燕京 主編

社會・社會問題

百弊叢書<二>

 大象出版社

費
平
知
學
附
冊

K258.06

3

(726)

民國史料叢刊
726

張研 孫燕京 主編

社會·社會問題

百弊叢書八二一V



大象出版社

圖書在版編目 (CIP) 數據

民國史料叢刊／張研、孫燕京主編

鄭州：大象出版社，2009.2

ISBN 978-7-5347-5439-5

I. 民… II. ①張…②孫… III. 中國—近代史—史料—民國
IV. K258.06

中國版本圖書館CIP數據核字 (2009) 第022264號

民國史料叢刊

張研 孫燕京 主編

社會·社會問題

總策劃 耿相新

責任編輯 楊吉哲 李光潔

封面設計 劉冬王

出版 大象出版社 (鄭州市經七路25號 郵政編碼 450002)

網址 www.daxiang.cn

發行 大象出版社總發行部 電話：0371-63863551

印刷 北京中獻拓方科技發展有限公司

版次 2009年8月第1版 2009年8月第1次印刷

開本 890×1240 1/32

印張 15

總定價 180000.00元

若發現印、裝質量問題，影響閱讀，請與承印廠聯繫調換。

印廠地址 北京經濟技術開發區運成街甲6號

郵政編碼 100176 電話 (010) 67889166

百弊叢書卷十一

禁烟百弊

楚 狂

前清季年。鴉片之毒。泛濫全國。八口之家。必有一嗜烟之人。三家之村。必有一開燈之戶。至於適商巨埠。省會城區。則街道之中。出售洋藥。象漿。雲土。礪土之店。以及冷籠清膏。陳老公班之市。招鱗次櫛比。觸目皆是。而鄉民之拔桑柘。廢稼穡。而植鶯粟。以牟利者。尤衆。嗜好之奇。傳染之廣。可謂曠世無疇。嗚呼。盛矣。而沈溺其中者。荒職業。廢時日。糜金錢。敝精力。遠父母。捐妻子。喪人格。百計以求一吸。嗚呼。慘矣。逮戊戌政變。庚子拳亂以後。清廷行新政。始有禁烟之議。一時王公大臣。不能以身作則。因循延宕。迄未實行。其後迫於

外人之責言始頒法令設立禁烟公所。凡屬官僚以及商民。其有沾染嗜好者。均由公所隨時指名調驗。勒令戒斷。而在差在任之官僚。且須互具保結。（保得某人確無嗜好等語）爲負責任之證明。禁煙二字之名詞。始告成立。當時且向外人鄭重聲明。期以十年全國禁絕。故不得不雷厲風行。以掩飾一時之耳目。然清季政令。什九視爲具文。有司者奉行故事而已。但官僚者考成所繫。雖曰行法不能自貴。始對於官場。只能敷衍。而對於民間。則尙能本禁令以行。亦復四出清查。見種煙者。則拔而罰之。有吸煙者。則執而罰之。一時犯禁者多。罰款所入。爲數甚鉅。官僚者乃又視爲生財之大道。惟恐齊民之不犯禁矣。曾不幾時。革命事起。民國條焉成立。事事革新。煙禁陡加嚴厲。湘粵等處。犯者乃至槍斃。一時黑籍中人。無不凜凜如冷水澆體。顧法愈

峻則作弊之事得錢愈多其中奇聞怪狀不一而足至近年南北戰爭雙方文武官僚苟有微權卽人自爲政禁烟一說百態競作穹極乖謬事實所陳不可以更僕數約而言之不外三事一曰官吸二曰官賣三曰官種蓋昔之所謂犯禁者以其屬於人民一方面故曰私吸曰私賣曰私種私也者不敢彰明較著而爲之者也茲之易私而名之曰官以其明目張胆肆然爲之雖屬有勢力者個人之私顧其人無不官者如其實而予之以名其所由來可陳其略

昔之吸戶官民各半今之吸戶官百而民一昔之吸戶苟被發覺官民皆治罪今之吸戶民無不受罰爲官則灑然若無其事也故今日之吸烟者不得不名之曰官吸謂余不信試一調查今之軍政民政各機關無論其爲南爲

北其有不陳列烟具高臥大吸者蓋眇而且公然供客誘人犯法此蓋由一班擁兵自衛之武人倡之而所謂禁烟之法令掃地盡矣

昔之賣戶商尸其名而官或助之資本今之賣戶則官居其什九而無賴之奸商居其一焉故又不得不比照多數而名之曰官賣官賣之弊之小者禁烟局大賣烟土烟泡烟灰警察廳人員賃屋開燈招徠主雇如某省禁烟局於搜查所得之煙土輒招人消售並予以特別之保證決不誘其朝購而夕往搜以故生意大旺獲利不貲今某商埠在火車站搜查旅客之警察分署亦由斯道大發其財以其官賣之餘送交審判廳且發生被竊煙土數百兩之笑案至禁煙局中出賣煙泡煙灰供人吞以抵癮者所在多有而以某省供人吸食者爲最妙法以瓦茶壺一枚實泥其中僅留以煙斗大之容積以

膏藥牢粘壺蓋。乃裝烟泡於壺蓋之汽眼上。吸者臥而觀書。以壺就口。以烟泡就燈。作飲茶狀。其事畢矣。某警廳人員。公營一秘密吸煙窟室。月獲純利千金。後以剖分紅利不均。互譟以致敗露。暫停營業。今聞又另起罈竈矣。官賣之弊之大者。如北軍某某長官等。在四川合資販運煙土。滿貯火車兩掛。往京津一帶銷售。又如某某國務員。某某大政客。在雲南攜帶煙土數十箱。至滬被搜等事是也。

昔之種戶。由於人民自動。今之種戶。則官僚提倡之力爲多。又安得而不名之曰官種。有如某省軍民政長官。借禁烟之名。命各種戶。按畝納稅。是不啻促其種烟。蓋師洪憲皇帝派蔡乃煌爲禁煙督辦。實使之督銷煙土於蘇浙等省之意也。又如某省護國軍長。長抽收烟稅。每土一斤。納銀元若干。卽聽

其自由銷售。一時人民趨利者。聞風興起。乃至鄉間無處不有鶯粟。其餘小革命團體。樹靖國護國軍旗幟者。多借烟稅爲軍餉。則又盡人能言之者也。

嗚呼噫嘻。自禁烟十年期滿以來。烟價騰貴。人民趨利忘死。百弊競作私販私運怪象迭見。己非國家社會之福。乃不謂今之弊竇無不由官啓之也。其又何誅。

百弊叢書卷十二

釐稅百弊

文俊

釐捐創設於前清道光年間。因洪楊之亂。餉糈不給。闢此利源。以供軍餉。彼時曾由達官奏準。亂平後卽行取銷。詎料利之所在。相沿成習。藉此上下交征。竟難革除。似此病國殃民之蠹政。民怨沸騰。蓄久發暴。自古皆然。武昌舉義。各省從風。滿清亡國者。未始非失民心之所致。民國肇興。八載於茲。而一班亡國舊官僚。藉金錢之運動。滿佈於各關稅之中。任所欲爲。當道表面雖定極嚴厲功過之專章。無如若輩恃有奧援。往往趨利避害。久則弊竇愈積。愈深。竟成習慣。窮其弊竇。非筆墨所能形容。以記者所知種種之弊竇。分述

於次。以備當道之改革。罅一漏萬。尙希海內明達君子鑒諒焉。

(甲)稅所長 政界金錢之運動。彰明較著。運動二字。已成政界最時髦。牢不可破之交際品。既有金錢以運動。而政界中流品之複雜。遂不堪聞問矣。因釐稅之利厚。凡運動之人。羣垂涎此席。捷足而有方者。羣由部中運動要人。以入行吹噓。省當道爲固一己之位置。不得不虛與委蛇。而與差委。上自委員。下自司扞。大抵均由金錢魔力而來。省當道均有自己之私人。遇機而撤換。上不得罪要人。下可安插私人。一舉兩善。故亦何樂而不爲。委員如係省當道自己親信之私人。總有特殊之關係。所委之稅差。大都優美之位置。該員見當道之垂青。酬恩報德。人之恆情。有恃無恐。愈無忌憚。雖有商民控告。當道或竟置之不理。或囑調查委員以查無實據。

了之。或以例行之具文搪塞之。如控者係有勢力之人。勉將該稅員調委他處美差。以他處親信之稅員調補此處。以美換優。所謂換湯不換藥。如所控之稅員。係有力者之推薦。勉將其員減調一中缺。視該稅員報酬之多寡。卽定歲月去留之短長。後或報酬巨。卽可引爲同調。將來遇機。仍可升調美差。如報酬微。則難安於位。輕則調一劣差。重則藉事撤換。凡係推薦之稅員。大都係用金錢運動京中顯要者之函荐而來。只要財廳之安插金錢之到手。至於位置是否優劣短長。在所不顧。此輩之稅員。時存五日京兆之心。本因謀利而來。直如商人之將本求利。責其潔已從公。又豈可得耶。於是不得不籌諸多之方法。以遂其平昔之慾念。由此而種種之弊竇生焉。若推薦之稅員。與顯要者有特殊之關係。財廳卽可引爲腹心。

竭力調劑。以買該稅員之歡心。而達其互相爲助。以固己位之目的。財廳稅員既相互利用爲狼狽。責其不舞弊。千中寔難選一。

(乙)司巡 司事巡丁如係稅員親信之人。即可任所欲爲。如係要人所函荐者。稅員不敢不收。初則不敢派其往優卡。因內容若被其偵悉。即恐其藉端要挾。若函荐之司巡。要人指名索某分所之優缺。若行否認。恐生意外之枝節。若如其意。派往優卡。又恐破壞好事。因思一變通之方法。姑順其意旨。派往所指之分所。而此二三月中。暗中預囑自己親信之人。潔己從公。實足補稅。儘徵儘解。不準私毫徇私。以露破綻。遇有舞弊情形。即行報告。以憑核辦。明則又當衆嚴詞取締。大凡謀司巡之輩。總是利慾薰心俱多。自恃有力者爲護符。豈有見錢不愛之理。委員此種例行之官。

話。又誰肯遵守區區微末之薪金。何能敷浪費及家計之用。不得。不明。曰。張胆以舞弊。一有過失。被稅費親信之人偵悉。報告所長。輕則調至中下分所。重則取銷其執務。稅員藉此書一詳細之覆信與原荐之要人。所謂自作自受。愛莫能助。稅員之眼中釘。拔去。即可任聽親信之人作弊。其中雖不乏廉潔之士。然而矯矯不羣。亦必遭鳴鼓之攻。謗議橫生。羣言可畏。勢必立足不穩而去職。而後至者。不得不借重於舊日之司巡。以爲虎之俚也。故其弊乃久傳而不失矣。

吾蘇稅所之弊竇。甲於他省。以致鑽營之人如鯽。此輩運動稅務之人。賃住省署左近之房屋。或小客棧。每日至夫子廟等處茶社聚晤。互通關節。一有調動。省署中人。卽預先透出消息。司巡得信。卽用金錢運動某科長。

或某諮議某顧問間接之函荐。荐者視司巡金錢之多寡。卽定荐事之優劣。運動費一項。少則三十元。多則三百元。（事不成功分不取）聞謀下關鐵路稅所之巡丁。非三百元不能達到目的。小小一巡丁。竟出如此巨數之賂費。殊屬駭人聽聞。究其每月之進項。聞有二三百元之入款。無怪乎要挾如此之賂費。

（丙）局差 局差係扞巡之耳目。與商船有密切之關係。各項弊竇之接洽。非彼不克。所以彼之進項。不亞於扞巡。彼是下等之役。諺云換官不換役。凡遇稅所長蒞差。局差偵悉稅員最親信之司巡。卽用金俛其運動蟬聯。司巡因到差各事。茫無頭緒。俗言要知前途路。須問過來人。難得局差孝敬。又可做己之爪牙。豈有不竭力關說耶。互相爲用。而弊竇生焉。

以上稅員司巡局差運動大略之情形。以下種種之弊竇。竟由此發生矣。

(一)比較 財政當局防各稅所之短絀。定以比較。盈則留任。短則記過。辦法未嘗不善。詎知弊竇卽由此發生。蓋稅款收數。視年歲之豐歉。上月盈。下月絀。本無一定。若責以一定之數目。試問稅員有何把握。卽使有清廉之稅員。稅款涓滴歸公。豈不慮天災人事。臨時短絀耶。盈則不過留任。絀則卽可記過。稅員爲預防比較。及固位置起見。設或上月盈。不得不預留稅款。以防下月之短絀。或曰稅票上明明註有月日。何能擅自更改。曰此可無庸通慮。上改責稅員。以比較。稅員不得不以小比較。轉馭司巡。司巡爲顧小比較起見。無不減折無票。以廣招徠。若上月盈。下月絀。卽以上月之盈。補填下月絀之稅票。若上下月均盈。卽將盈餘酌留若干。以備下下月之預備短絀之用。

多則稅員得十之六。司巡等得十之四。司巡之中又分等級。歸稅員任意之支配。即使比較月月短絀。稅員往往將不填票下票種種之盈餘。飽入羣衆私囊。上峯不過撤差而已。各分所比較總數之收入。較財廳原額加多。其所盈餘。既如上述自由支配。而此項分所之小比較。稅所視之極重。每逢稅所交替之時。後任之賬房。必出資向前任之賬房購買。否則若無小比較之賬略。各事即無標準。難於措手進行。

(二)刻扣薪金 稅員司巡局差局使等人。有額定之薪工。各處自改貨物稅以來。上恐各辦事人。慊薪微而舞弊。故特加厚其薪工。辦法雖善。無如空有加厚之虛名。司巡仍舊未叨實惠。蓋稅員顧前途利益起見。又防比較不足。不得不在衆人頭上抓一把。集腋可以成裘。兼之財廳方面。雖明加各司